

清、光緒二十六年刊本影印

約章分類輯要

(一)

清、蔡乃煌等撰

華文書局股份有限公司印行

新軍事所

類輯與

光緒庚子仲冬
湖南商務局鑒

約章分類輯要

總纂 番禺 蔡乃煌

番	善	番	會	望	歸	南	武	番
禺	化	禺	稽	江	安	海	進	禺
陳	皮	陳	章	方	沈	羅	王	羅
希	嘉	慶	倬	兆		葆	士	維
哲	祐	森	漢	霖	偉	祺	芬	翰

編校

總敘

中國自與泰西通盟所為約章歲諸摠署以時頒下所司使奉行勿怠

朝廷所以重交誼昭大信者甚至顧官司謹于所守而民間耳目蹈故常偶有所觸輒生疑思其蔽也錮釁亦滋焉自天津有類纂之刺哀然大備桐鄉勞氏復

取其涉于內地者輯為纂要以便州縣之
講求厥意良美然月異歲不同或昔訂而
今刪或前疏而後密又十年於茲矣天津刻
斷自光緒十一年勞氏刻
斷自十六年曩者疊奉

諭旨通飭各省纂集近年約章頒發各州縣俾
有率循湘南僻遠風氣甫開廉三奉

命來撫是邦既

奏設農工商務局為辦理交涉之所而以蔡
伯浩觀答摠其事曰議革續訂之約與南
北通商衙門鈔錄成案就飭局員纂為
是編廢者剔之餘者削之新者益之要者
撮之為門十三為類二十九為表四為圖
七都為三十八卷凡閱一暮而成命曰約
章分類輯要雖見閭域于地蒐輯復迫

於時不無遺脫之憾而錯綜條貫比事鉤稽使讀者析其流而泝其源習其理而通其法亦可以泯異同之見審交際之宜矣又況事變亟亟每發于所不及防使內無所恃外無所衷則旁皇于倉猝鹵莽滅裂烏有不敗壞者哉方今民教小衅致上貽

君父之憂此豈尚有常理之可循而歸好尋
盟重訂款議又豈有舊約之可援事故
之乘未底于極後有君子所恃謹微杜
漸因應無方先時而弭其變則究是編
者抑無取夫顓已守常姝焉自悅其故
迹而已

光緒庚子冬月撫湘使者俞廉三撰并書

春秋講求交際會盟聘問史不絕書往往朝尋干戈暮執玉帛勢不能無強弱而終歸於修好以息民至若屈完蒞師齊兵退舍鄭僑入館晉人毀垣國賴有人尤其明驗天道運行日益啓闢環球萬國周遭附立鄒衍大九州之論至今日而昭若發蒙中朝文明歷時久遠自

市禁既弛先後訂約凡十餘國交涉遂
無西人挾其智能以相凌駕而游歷傳
教之在內地者每以風氣未開民情疑
貳睚眦修怨索地賠款邇年扶桑之役
膠州之案日甚一日復釀令歲聯兵之
禍致使
乘輿西幸

九廟震驚天下臣民同深義憤吾獨不
解幅員如斯之廣兆庶如斯之衆胡為
積弱至此往者通變之方薦紳不道而
資以學習又皆年少無根柢之人雖粗
曉語言文字製造之法不足以識大體
以是教堂林立商舶雲集地方有司罔
志機宜一旦有事瞠目束手應付乖方

要揆愈甚茲其敝也山陰 俞虞軒中
丞開府湖湘於節署東偏初農工商
務局選寮吏之通達時務者於其中攷
訂條約始康熙己巳迄光緒己亥癸者
刪之新者補之為門十三類二十九都
三十有八卷繪圖列表以蔡伯浩觀察
愬其成既畢役屬記緣始余惟醫之精

者不泥古方射之善者期中準的居當
世而思閑閤自守愚者知其不能況昔
之及於門戶者令且進於堂階矣昔之
進於堂階者令且逼於卧榻矣而猶惛
然不知所以應之可乎誠即是書求之
陸行之車舟行之楫於是焉在杞憂方
深補牢未晚海內志士其覽觀焉戶部

侍郎湖南督學使者歷城吳樹梅書